

pis plurimum continet. Grassantur autem illæ inter sese, & cædes mutuas exercent: vnde plurimum adipis in summum maris euehi verisimile est. Confirmat hanc cõiecturam id quod apud maritimos quosdã Germanos fieri solet. Sunt enim qui adipem cuiusvis ceti vase exceptũ, in cella frigida deponant, deinde prelo exprimãt, vt pars tenuior effluat: quæ instar olei est, & eisdem viribus, quibus pars crassior quæ remanet, licet tenuiorũ partium. Crassiorem pro genitura ceti vendunt, cuius vim quidem representat, sed ignauius. Diligentiores dignoscunt, quòd vera (vt vocant) genitura ceti, maculis candidis, latis & dulcibus insignitur: adipis verò pars crassior, pinguior, compactior, & minoribus maculis videtur. Fieri etiã potest, vt ex lacte belluarum maris, redundante, & catulorum fugentium rictus subterfugiente, pars pinguior velutiq; butyrũ mari supernatet, quæ